

# BATXILERGOKO ARAUTEGIA

## SARRERA

Ikastetxe honen funtzionamendua azaltzea du xede gidatxo honek, iritsi berri diren irakasleek hasieratik jakin dezaten nola jokatu oinarrizko zenbait alderditan.

EAEko ikastetxeetako ikasleriaren eskubide eta betebeharrak arautzen dituen 201/2008 Dekretuan oinarrituko gara orokorrean bizikidetzari buruzko arauetan. Baina barneko arau hauek ere kontuan izango ditugu:

## OINARRIZKO ARAUAK

### 1. SARRERA

Ikastetxeko atek 8:10ean irekiko dira, lehenengo txirrinak jotzen duenean. Ikasleek 5 minutu dituzte geletan sartzeko. 8:15ean bigarren txirrinak joko du, eta sarrerako atea itxiko da. Ikasleek zentrotik irten daitezke jolasgaraietan, baina klaseen artean ezin dute zentroa utzi egoera justifikatua ez bada. Justifikatu gabeko puntualtasun falta jokabide desegokia da.


### 2. GELATIK ATERATZEA

Klase orduetan ikasleak gelan egongo dira, pasabideetan ez da ikaslerik egongo. Irakaslea falta bada, ikasleak liburutegira joango dira zaintzako irakaslearekin; ordu-tegi osoa ez duten ikasleek liburutegia erabil dezakete, betiere zaintzako irakaslea bertan badago.

### 3. EZ ETORTZE ETA KANPORAKETAK

Irakasleak ikasleen asteroko ez etortzeak eta kanporaketak INIKAn sartuko ditu. Gero tutoreak asteroko kontrola egingo du, Zuzendaritzan honen berri eman eta ikasleen familiekin hitz egin. Familiek beraien seme-alaben faltak INIKAn bidez ikusi ditzakete, beraz oso garrantzitsua da falta horiek lehen bait lehen sartzeari, aste bakoitzaren ostiralerako.

Hutsegiteen justifikazioak tutoreari emango zaizkio, ikaslea itzuli eta astebeteko epean gehienez, eta hau bukatu ondoren ez dira onartuko. Justifikatu gabetzat hartuko dira gurasoek edota legezko tutoreek idatziz eta ikastetxean onartutako arauen arabera arrazoitu gabeko hutsegiteak. Ez dira onartuko justifikazio bezala autobusa galtzea, lo gelditzea,...



Familiak lau egun baino gutxiagoko ez etortzeak justifikatu ahal izango ditu. Hiru egun baino gehiagoko ez etortzeak medikuaren edo beste agiri ofizialen bidez justifikatu beharko dira.

Ikasle batek asignatura bakoitzean 12 ez etortze justifikatuta edo 3 justifikatu gabe baditu, ikasleak ebaluazio jarraia izateko eskubidea galduko du, eta dagozkion berreskurapen frogetara aurkeztuz ebaluatuta izango da.


Puntualtasuna ezinbestekoa da. Klasea hasi ondoren ikaslea gelan irakaslea baino beranduago sartzen bada, atzerapena izango da. Beraz, klasea hasi bada ikaslea ezin da gelan sartu (justifikatuta ez badago), eta zaintzako irakaslearekin geratu beharko da.

#### **4. IKASTETXEAN**

- a) Denok bete behar dugun arau nagusia pertsona eta norberaren gauzekiko begirunea da, horregatik ez da onartuko ikasleen arteko edo irakasleei errespetu faltarik.
- b) Hezkuntz elkarteko kide guztiok ikastetxeko instalazio eta hornikuntzak zaintzeko ardura dugu, bai eta jolastoki eta beste leku guztien txukuntasuna ere.
- c) Derrigorrezkoa da janzkera egokia erabiltzea ( ikaslearen arreta eta ezagupidea oztopatzen duen edozein osagairen erabilera saihestuko da: biserak, kapelak,...)
- d) Debekatuta dago edozein aparailu elektronikoren erabilera: mugikorrak, mp3ak, grabagailuak,...
- e) Debekatuta dago tabakoa, alkohola eta beste edozein droga kontsumitzea.
- f) Klaseen artean ikasleek ezin dute ikastetxea utzi, zuzendaritzaren baimenarekin ez bada.

#### **5. IKASGELAN**

- a) Jokabide desegokirik ez da onartuko: jatea, edatea, edo klaseko martxa eragozten duen edozein ekintza.
- b) Egunaren amaieran gela txukun geratu behar da, behar bezala garbitu ahal izateko. Horretarako ikaslea bere gauzak ordenatu eta gordetzeaz arduratuko da.



## 6. ZAINTZAK

Zaintzak liburutegian egingo dira. Liburutegia eskola-ordutegi osoa irekita egongo da, jolasgaraietan izan ezik, ikasleek erabil dezaten.

Irakaslearen mahai gainean kontrol-koadernoak egongo da, eta bertan azalduko dira eguneko ez etortzeak. Irakasleren bat falta bada, zaintzako irakaslea bere galara joan eta talde horretaz arduratuko da eta ikasleak liburutegira eramango ditu.

## 7. HUTSEGITE MOTAK

Ikasleen hutsegiteak hiru motatakoak dira:

### JOKABIDE DESEGOKIAK

Adibidez:

- a) Justifikatu gabeko hutsegite eta puntualtasun hutsegiteak
- b) **Ikastetxeko instalazioei, ikastetxeko materialari edo kideen gauzei narridurak eragitea.**
- c) **Irakasleek edo agintari akademikoek agindutakoa ez betetzea, baita gainerako langileek emandako aginduei jaramonik ez egitea ere**
- d) **Ikastetxeko ekipamendua (elektronikoa, mekanikoa, telefonikoa, informatikoa edozein matatakoa) baimenik gabe edo baimendutakoak ez diren helburuetarako erabiltzea.**
- e) **Ikastetxeko langileei gezurra esatea edo informazio faltsua ematea.**
- h) **Kalifikaziorako baliatuko diren azterketa, proba edo ariketetan kopiatzea, edo besteei norberarena kopiatzen erraztea.**


Jokabide mota hauek irakasle bakoitzak zuzenduko ditu eta neurri zuzentzaile bat jarriko dio ikasleari, betetzen duela kontrolatuz. Tutoreek familiei jokabidearen berri emango diete.

Ebaluazio batean ikasle batek 3 jokabide desegoki gehitzen baditu, bizikidetzaren aurkako jokabidetzat hartuko da.

### BIZIKIDETZAREN AURKAKO JOKABIDEAK

Adibidez:

- a) **Kide bakarreko agite-organoen edo irakasleen edo langileen aginduak ez betetzea, disziplinarik eza agertzen bada, edo irainak, mespretxuak, desfazioak edo mehatxuak egiten**



badira.

- b) Ikaskideen edo gainontzeko kideen aurkako mehatxuak edo irainak.
- c) Azterketa- ereduak lapurtzea edo erantzunak kopiatzea, eta horiek guztiak hedatzea, saltzea edo erostea.
- d) Noten buletinetan edo gurasoentzako edo legezko ordezkarioentzako beste edozein dokumentutan edo jakinarazpenetan aldaketak egitea eta dagokien hartzaileei ez ematea.
- e) Kalteak eragitea bidegabeko erabileragatik ikastetxeko lokalei, altzariei, materialari edo dokumentuei
- f) Pertsonak ohorerako, intimitaterako eta irudi propiorako duten eskubidea ez errespetatzea
- g) Ordena nahasten duten portaerak eskolako jangelan.
- h) Aurreko artikuluan adierazitako jokabide desegokiren bat gehienez ere hiru aldiz egitea hiruhileko akademiko berean

Irakasle bakoitzak zuzenduko ditu jokabide hauek idatziz eta zuzendariaren ardurara izango da neurri zuzentzaile bat jartzea. Tutoreek familiei jokabidearen berri emango diete. Ebaluazio batean ikasle batek bizikidetzaren aurkako 3 jokabide gehitzen baditu bizikidetzari kalte larria eragiten dioten jokabideetat hartuko da.

## **BIZIKIDETZARI KALTE LARRIA ERAGITEN DIOTEN JOKABIDEAK**


Adibidez:

- a) Gobernu-organoekiko edo irakasleekikodisziplinarik ezako egintza edo obedientzia-ukatze esplizitu guztiak, ezarritako neurri zuzentzaileak betetzeari uko egitea barne, baita kideen aurkako adierazpen oso laido garri edo iraingarriak ere.
- b) Diskriminazioa dakarten edo adierazten duten irainakerabiltzea, diskriminazioaren arrazoiak edozein izanik
- c) Jazarpen sexista
- d) Hezkuntza-komunitateko edozein kideren aurkako eraso fisiko edo psikologikoa
- e) Liskar edo jokabide erasokorrak eragitea edo horietan parte hartzea, lesioak eragiteko arrisku larria sortzen bada.

Informazio gehiago: Euskal Autonomia Erkidegoko unibertsitateaz kanpoko ikastetxeetako ikasleen eskubideei eta betebeharrei buruzko dekretua aplikatzeko gida.(2009)

## **8. NEURRI ZUZENTZAILEEN XEDAPEN OROKORRAK**

1. Irakasle guztiek eskumena dute berehala zuzentzeko ikasleen jokabide desegokiak, zaintzapean dauzkatenan gelan edo ikastetxeko beste instalazio batzuetan, edo handik kanpo.
2. Irakasle guztiek, beren aurrean bizikidetzaren kontrako jokabide bat gertatzen bada,



edo bizikidetzari kalte larria egiten diona, eskumena daukate ikaslea unean bertan hitzez ohartarazteko, bai eta zuzendariarengana bidaltzeko ere, edo ikasketaburuarengana, edo une horretan ikastetxearen ardura bere gain duen zuzendaritzataldeko kide batengana

3. Zuzendariak du bizikidetzaren kontrako jokabideak edo hari kalte larria egiten diotenak zuzentzeko eskumena.
4. Ordezkaritza Organo Gorenak edo Eskola Kontseiluak du zuzendariaren erabakiak berraztertzeko eskumena